


Regra trázitu jerál iha Austrália

palmscheme.gov.au


Regra trázitu balu iha Austrália la hanesan regra sira iha país illa Pasífiku sira ka Timor-Leste. Antes ita bele lori karreta iha Austrália, halo favór verifika katak ita-nia karta kondusaun mak nafatin válidu (moris). Verifika mós katak ita-nia karta kondasaun bele uza (hetan lisensa) ka lae iha área Austrália ne'ebé ita planu atu hodi karreta.



LAMPU TRANZITU (LAMPU MERAH)

Iha Austrália, sistema lampu trázitu uza lampu kór tolu:

- **mean** signifika ita tenke para.
- **kinur** (kór-sabraka) signifika ita tenke para. Kuandu lampu kinur lakan, ita bele liu de'it se la bele para ho seguru antes liña 'para'. Ita labele para derrepente, no ita labele aumenta velocidade atu liu bainhira lampu kinur lakan.
- **verde** signifika katak ita bele liu kruzamentu se seguru atu halo nune'e.



ROTUNDA (BUNDARAN)

- Rotunda sira mak kruzamentu sirkulár (kabuar) ida iha ne'ebé trázitu la'o iha diresaun ida hale'u illa (fatin) sentrál ida.
- Ita tenke hamenus velocidade iha rotunda no fó dalan ba trázitu ne'ebé mai husi ita-nia liman-loos.




LIMITE VELOCIDADE

- Importante atu fó atensaun ba sinál limite velocidade sira.
- Labele halai lalais liu limite velocidade nian. Ida-ne'e mak velocidade másimu ne'ebé ita bele halai.
- Iha loron ne'ebé labarik sira tama eskola, zona eskola nian iha limite velocidade espesiál ne'ebé neineik liu durante oras balu.
- Kontra lei atu halai lalais liu limite velocidade, no bele hetan multa.



SINTU SEGURANSA

- Kondutór no pasajeiru hotu-hotu tenke uza sintu seguransa.
- Molok ita hahú viajen ho karreta, asegura katak ita-nia sintu seguransa iha pozisaun loloos, aperta loloos, no kesi metin.
- Labarik ki'ik sira (ho idade, aas no todan espesífiku ruma) tenke tuur iha kadeira karreta espesiál ida-ne'ebé aprovaadu ona.
- Kondutór bele hetan multa boot ba pasejeiru ne'ebé la uza sintu seguransa nian.



TELEMOVEL

- Bainhira ita lori karreta, labele foti ka kaer telemovel, inklui se ema seluk kaer telemovel ne'e ba ita atu uza.
- Kontra lei mós atu tau telemovel iha ita-nia hitin bainhira lori karreta.
- Asidente karreta barak akontese tanba konduetór atrapalladu tanba telemovel no hateke ba telemovel.

DROGA NO ALKOL (TUA)

- Perigozu ba ita no ema seluk se ita lori karreta hafoin hemu droga ka alkohol.
- Ita bele hetan multa ne'ebé boot no lakon kartu kondusaun.

KOLEN

- Perigozu atu lori karreta bainhira sente kole ka matan-dukur.
- Se ita maas beibeik ka taka matan beibeik bainhira lori karreta, tenkesér para no deskansa.
- Asegura katak ita toba natoon ona molok lori karreta.
- Labele lori karreta liu oras 3 sein para atu deskansa.

Nota bá: lori karreta iha Austrália diferente ho lori karreta iha ita-nia rain. Sempre asegura katak ita-nia an, ita-nia pasajeiru no ema seluk iha estrada nafatin seguru hodi halo tuir regra trázitu sira hotu iha Austrália.

FORMASAUN NE'EBÉ DISPONÍVEL BA TRABALLADÓR SIRA

Se ita mak traballadór ida iha eskema Mobilidade Tráballu Pasífiku Austrália nian (PALM), ita bele hetan formasaun konduetór nian.

Formasaun ida-ne'e mak parte iha eskema PALM nia Programa Dezenvolvimentu Abilidade.

Atu hetan informasaun seluk tan, ko'alia ho ita-nia empregadór kona-ba formasaun ne'ebé ita bele tuir.

REKURSU SELUK TAN

Iha informasaun iha eskema PALM nia sítiu internét ne'ebé bele ajuda ita atu lori karreta iha Austrália.

Se iha pergunta ruma, husu to'ok ita-nia empregadór. Se empregadór la bele ajuda, ita bele:

- kontakta eskema PALM nia liña telefone ba servisu apoiu nian iha 1800 51 51 31
- manda email (palm@dewr.gov.au) entre tuku 8:30 dadeer no tuku 6:30 lokraik AEST.

Se iha problema sériu, favór ida bolu liña servisu apoiu nian iha tempu naran de'it iha loron ka kalan.